

Museo 653 n. 13 126
DE ROMANA
SANCTI PETRI
PRINCIPIS APOSTOLORUM
CATHEDRA
ORATIO

HABITA IN SACROSANCTA BASILICA
VATICANA


XV. KALEND. FEBRUARIAS MDCCLVIII.

A COMITE CÆSARE CATTANEO
PATRITIO PARMENSI.



ROMÆ MDCCLVIII.
EX TYPOGRAPHIA PALLADIS

EXCUDEBANT NICOLAUS ET MARCUS PALEARINI
SUPERIORUM FACULTATE.



108

SANCTISSIMO DOMINO NOSTRO
BENEDICTO XIV.
PONT. OPT. MAX.

CÆSAR CATTANEO
FELICITATEM



CONSULTIVUS fortasse fa-
ctum videri poterat, si
Orationem hanc, quæ nulla admodum re,
quam Argumento commendatur, apud me
A 2 con-

continuissimam, nec in manus hominum per-
 venire passus essem; nunc vero quoniam alio-
 rum exemplum sequutus edere, ac vulgare
 constitui, inconsultissime profecto facerem,
 si eam nomini Tuo minime consecrarem,
BEATISSIME PATER. Eccui
 enim potiori jure inscribenda erat Oratio,
 quæ est de **CATHEDRA** Divi **PETRI**,
 quam Rom. Pontifici, qui eam ipsam Cathe-
 dram obtinet, atque ei præsertim Pontifici,
 qui jam tot annos tanta cum laude, ac Ca-
 tholicæ Religionis incremento universæ Ec-
 clesiæ præest? Huc accedit, quod me banc
 qualemcunque occasionem captare oportebat
 publico aliquo, quod extaret, indicio testifi-
 candæ observantiæ erga Te meæ. Multa de
 Tua singulari omnium Ecclesiarum sollici-
 tudine, multa de sapientia prædicari au-
 dieram, qua jure, ac merito omnium Gen-
 tium Doctor & Magister existimaris, multa
 de memoria, qua omnem antiquitatis noti-
 tiam & eruditionem complexus es multa de-
 nique de Comitatu, atque humanitate Tua,
 qua

qua omnes peramanter excipis ; sed multo
plura præsens cognovi , & gavisus sum ;
Famam illam , quæ de Te toto terrarum
Orbe percrebuit , non præsencia minui , sed
contra atque in aliis usuveniat , longe supe-
rari . Etiam cum ab Avunculo meo , quem,
Ariminenſi Infula ornare nuper dignatus es,
tibi ſiſterer , tanta me benevolentia excepiſti,
quantam optare vix auſus eſſem . Quid ?
cum tibi jampridem ſignificatum eſſet Di-
ſputationes quaſdam a me tunc abſente habi-
tas eſſe , ea de re & Tu prior ſermonem in-
duxiſti , & earundem Diſputationum exi-
tum , perinde ac ſi præsens adfuiffes , gra-
tulatus es . Quod me adeo perculit , ut ve-
bementer una cum ſingulari humanitate inau-
ditam prorsus , ac plane miram inter tot ,
ac tantas graviffimorum negotiorum , ac
ſtudiorum curas memoriam admiratus ſim
Tuam . Ex quo in certiffimam ſpem addu-
ctus ſum fore ut nunquam ejus obliſcaris ,
qui unice in tua clientela , ac benevolentia
conquieſcit . Patere igitur , extare publicum

*boc observantiae meae documentum, tenue
illud quidem, sed ab optima voluntate
profectum, quæ Te quam diutissime, &
communi totius Christianæ Reipublicæ bono
& majori adhuc eximiæ Tuæ virtutis me-
rito in Petri Cathedra vigentem, florentem-
que cupit.*





ORATIO



CUM ego mæditer , quid inter cætera pronunciare voluerit magnum illud , stupendumque Mysterium , quod Apocalystæ Joanni in Insula Pathmos , ultimo loco spectandum Angelus reſeravit ; facere non possum , quin Apostolicæ CATHEDRÆ gloriam , ac Principatum sub illius Arcani velamine ' mirifice demonstratum intelligam. Nam si quæ vidit Joannes non in Cœlis tantum , sed & in terris eventura erant , quid erit , obsecro vos , inter mortales Beata illa Sedes Dei & Agni in splendidissimæ Civitatis sinu erecta , nisi eadem ipsa Apostolorum Principis Sedes in Urbe Romæ collocata ? Quid erit divinus ille , ac simplicissimus Vitalis aquæ fluvius de Sede procedens , nisi Evangelicæ prædicationis gratia ex una Petri Cathedra tamquam ex fonte dimanans ? Quid lignum vitæ secus admirandi illius fluminis ripas redo-

redolens fructum ad sanitatem gentium ; nisi Christus ipse , qui ad Romanæ Sedis latera vigilans oracula inspirat sedenti illius fidem immaculatam conservat , huc veluti ad Evangelicæ Doctrinæ fontem sitientes vocat , vocatos per spiritum sanctæ dilectionis ab ægritudine liberat , universo denique humano generi ex hac beata Sede æternæ salutis munera , & remedia ministrat ? Age ergo in tanta hujus dici Solemnitate gaudeat Roma , quia Sedes Petri facta est : gaudeat & totus terrarum Orbis , quia sedes ipsa Romæ firmata est , nam quod ad me attinet , quanta & Orbi simul & Urbi occasio sit , brevissime demonstrare aggrediar .

Itaque ut de totius Orbis gratulatione dicam , nemo Vestrum puto , non admodum gaudebit , prædictæ Matris Ecclesiæ Sedem in eo terrarum loco eo augustius splendescere , quo celsius attollitur , summaque ex arce in omnium oculis fulget . Quod enim Petri Cathedra in Urbe omnium maxima collocata sit , id equidem non ad unius Populi , sed ad universarum Gentium utilitatem mirifice confert . O ineffabile divinæ Sapientiæ Consilium ! Romanam condere Urbem , eamque ad tantæ magnitudinis culmen evehere , ut cæteras omnes splendore , divitiis , & principatus majestate superaret ; una erat hominum cura & ambitionis opus . Sed summus rerum Provisor , ac moderator Deus quidquid vanitas mortalium ad terrenæ Civitatis gloriam amplificandam molita fuerat , in Religionis Christianæ commodum uno veluti momento Omnipotenti nutu convertit , & Apostoli Cathedram ibi esse voluit , ubi sæcularis Imperii sedes tanta ostentatione vigebar , sicque Deo Auctore factum est , ut Urbs illa potentissima ,
unde

(I X)

unde in omnes Terræ Regionēs protendebantur imperia, ea modo sit, unde in omnes Mundi plagas purissima Fidei lumina latissime fundi, ac propagari cernuntur; in ea demum tam admirabili rerum, ac temporum conversione, quæ antea Domina gentium erat, mater evasit, & Magistra omnium Ecclesiarum. Benedictus Dominus, qui de præparato habitaculo suo, de hac Sancti Petri Sede, de Montibus novæ Sion potentiam Regni sui notam fecit nationibus, effudit Misericordiam suam in omnes gentes, dedit verbum evangelizantibus in virtute multa, respexit super omnes, qui habitant terram. Exultate jam quotquot estis Ecclesiæ Virgines Sion tantæ Matris Filix Cara pignora Petri exultate (sic enim decet) & in Cathedra Regni ejus laudate Deum, qui vos adduxit ad Civitatem munitam, & in loco Sanctificationis suæ veræ Fidei & cælestis Doctrinæ pabulo vos alit, & nutrit. Sed quid de Româ dicam, quod illius veluti proprium, ac singulare censei debeat? Ex his quæ hætenus dicta sunt habet Roma cum cæteris Orbis terræ partibus communem lætitiæ Causam; at præter hanc, aliam omnino præcipuam & insignem habet, quam sibi soli debitam jure tribuat, atque de prædicet.

Nihil est in Urbe tam Sanctum, tamque Divinum, omniumque Sæculorum laude celebrandum, quod ad Apostolicam Petri Cathedram acceptum referri non debeat; quidquid honoris, & gloriæ Gentilium ævo se obtinuisse jactabunda commemorat, nonnisi superstitionosa portenta abominabilis superbiæ fastum, tropheæ scelerum, & humanarum rerum inconstantiam ostendit: modo vero quidquid jam inde ab Apostolorum Prin-

Principis ætate Romanorum nomen supra cæteras gentes altius extollit in Religionis divinitate, in virtutis splendore, in morum Sanctitate, in Miraculorum gloria, in Martyrum Triumphis, in integritate Fidei in ipsius denique Ecclesiæ, & imperii soliditate, nullis unquam dæmonum insidiis periclitatura consistit. Nunc multo potentior aditum nobis aperit ad cælestia. Non solum vel Africæ, vel Asiæ Regionēs Romam colunt, vehementerque timent, sed & inferorum potestates, tartarorumque monstra illius nutus, & auctoritatem vereri coguntur. Roma fulgurat, tonat, splendet, illuminat universa. Hæc utpote Petri Sedes, excelsa illa, & fortunata Civitas est supra montem posita, supra montem, inquam, non ad horam illustratum, ut ille, in quo Petrus tria tabernacula construī postulat, sed perpetuo Solis indeficientis lumine clarificatum. Faciamus hīc tria Tabernacula, dixit Petrus, in monte Thabor nesciens quid diceret, ut ait Marcus. Non ibi, sed hīc, sed Romæ Tabernaculum grande statuendum erat. Ecce Tabernaculum Dei cum hominibus, ubi nobilissima Christi Sponsa Ecclesia resplendet tanquam Sol, ejusque vestimenta facta sunt alba, sicut nix. *Salve Civitas Sancta*, ut cum Divo Bernardo loquar, *quam ipse sanctificavit sibi Tabernaculum suum Altissimus, quo tanta in re, & per te generatio salvaretur*¹. Salve Civitas Regis magni, ex qua nova, & jucunda Mundo Miracula nullis temporibus defuere ab initio. Salve Domina Gentium, Princeps Provinciarum, Gloria Populi Christiani, quam Deus semper a principio passus est oppugnari, ut viris fortibus sicut virtutis, ita foret & occasio salutis.

Glo-

(X I)

Gloriosa dicta sunt de te, non quia Roma es, sed quia Matris nostræ, & Christi Sponsæ Ecclesiæ Sedes, ac Civitas Dei facta es. Quod non sine magno gaudio audiunt Insulæ, & attendunt Populi de longe tanquam fluminis impetum, qui lætificat Civitatem Dei; tan-
taque multitudine dulcendinis tuæ jucundissime satiati memoriam abundantæ suavitatis tuæ ubique eructant, qui te viderunt, & usque ad extremum terræ magnificentiam gloriæ tuæ loquuntur, & enarrant mirabilia tua. Quæ si semper, si ubique, si apud omnes enarranda sunt, multo magis in hac tam celebri Solemnitate hac ipsa die, hoc ipso in loco apud Vos enarranda fuere. Quare rerum magnitudine oppressus tacendo potius, quam majora dicendo Orationi finem imponam.



IMPRIMATUR,

Si videbitur Reverendis. Patri Sac. Pal. Apost. Mag.
F. M. de Rubéis Patriarch. Const. Vicefg.

IMPRIMATUR,

Fr. Vincentius Elena Reverendis. P. Mag. S. Pal. Apost.
Soc. Ord. Praed.